

白鶴山房詩鈔

白鶴山房詩鈔卷三

歸安葉紹本仁甫

古今體詩八十首

晚步東臯田野間卽景有作

秋郊木落天宇空  
高林颯颯鳴悲風  
平時碧綠四交翳  
決眼頓拓場千弓  
黃雲收後麥未長  
南陌東畦望如掌  
老晴十日野煙消  
惟有斜陽映蒼莽  
披香殿上紅氍毹  
何人展向平田鋪  
柘枝舞罷捲未盡  
堆疊高下半有無  
胭脂一抹當窗壁  
恰與人家作簾額  
玲瓏萬樹盡珊瑚  
不獨霜林紛紫赤  
寒雲滅沒掩遙山高  
原時見鴉飛還卻尋  
歸路踏黃葉昏鐘已動城  
南天石田茅屋滄江隱似此  
城居儘清遠憑誰喚起李營邱  
乞與吳綃添粉本

小樂府二十首和大兄集中韻

囉噴曲

郎向江陵去扁舟望不來多情江上水夜夜暮潮回

烏夜啼

門外梧桐樹驚鳥不住啼風高枝未穩何處是君棲

擣衣曲

郎去摩鞦域嚴風襲客裳中原絲絮薄未必耐秋霜

伊州曲

蕭瑟黃榆晚淒涼白草秋邊城笳吹急八月戍伊州

照鏡詞

一照盤龍影空闌轉自驚淺深眉黛樣憐爾最分明

石城樂

煙冷莫愁湖潮落清溪曲江南諸女兒猶道石城樂

大隄曲

郎住魚梁洲妾住桃林岸陽春三月時與郎一相見

懊懣歌

昔年連理樹今日斷腸枝花落君方惜花開君不知

映水曲

纖影憑誰惜臨流整素襟清溪如見底還爲照人心

估客樂

上客荊州賈金多不憶家大隄歌舞罷江月半樓斜

黃驄曲

寶鉸鏤衢鞍星馳北道寒自從埋駿骨不復渡桑乾

長干曲

妾家長干里生小長干住昨夜夢巴陵識得巴陵路

婕妤怨

輦路青苔合深宮白露滋西風無賴甚只近玉階吹

塞上曲

白骨橫沙磧孤軍轉戰還玉關休便入夏下浚稽山

采蓮曲

吳娃十五六采蓮南塘畔蓮葉覆儂身蓮花映儂面

羽林郎

長安銳頭兒身騎五花馬夜夜翠樓中朝朝銀闕下

鳳將雛

丹穴將雛處垂垂竹實肥春來毛羽長更向鳳臺飛

陌上桑

陌上青裙女提筐行踏莎桑田多曉露五馬莫來過

子夜歌

采絃彈素手宛轉不離絲覆卻文桑局與君何處基

上田花

惆悵江南樹年年離別中春花不解事偏作故園紅

久不得二兄閩中消息

早聞乘傳下同安復道牽絲過劍灘信使迢迢迷遠道衣冠袞袞困微官年饑未接青黃米俗敝猶探赤白丸莫便臨風嘆鞅掌從來盤錯試艱難

明史八咏

劉青田

寶劍歌成幣聘隆幡然三顧大名同風雲早識興王氣帶礪仍收上將功吳漢爭能工擇木胡藍獄早鑒藏弓鷹揚偉略丹書

在莫把陰符謗太公

姚少師

曾演迦維火宅車空教浩劫徧恒沙飛龍自合從風雨

文皇起事時大

風雨吹墮屋瓦心頗疑懼廣孝進曰飛龍在天從以風雨屋墮將易黃也

病虎何煩厲爪牙潮打南

都冤未滅詩題北固計原差大師亦有西山墓恨殺羣烏早晚

衙

于忠肅

邊塵倉卒朔煙昏赤手能扶鼇極翻不是團營開北府誰令黃

屋返中原饋牢未賞飴甥策脫幘空悲道濟冤惟有錢唐江上

水靈濤千古傍忠魂

王文成

清修偉績兩巍然一代名儒孰比肩擴四端非瞿氏學

文成致良知之

說與孟子擴四端意相發  
明後人誦爲禪學過矣  
行三軍自孔門傳龍場教思留荒裔  
虎旅驕心戢往年底事羣兒工詆毀  
蚍蜉撼樹總堪憐

### 夏貴溪

繫帶三褫寵已移憐君甘自蹈  
傾危飛魚服早承恩重香葉冠  
終作禍基諫苑千言嗟進驟  
潞河一棹恨歸遲傷心東市朝衣  
日草土何由乞聖慈

言罷相家居時有司稍慢易  
上表乞憐自稱草土臣

### 徐華亭

直廬榜語表孤蹤廿載黃扉著  
靖共導主每能移喜怒鋤奸曾  
不假聲容早年朝宁瞻梁棟  
老去江湖樂韭菘嘆息擠排成底  
事幾人安穩食堂封

### 高新鄭

濟時才略本無倫傾軋相尋笑  
積薪犀帶不教酬夙望驟車何



事逐元臣幾曾東閣呼孩子空羨南充是哲人最惜秉鈞多實政千秋功過要存真

張江陵

力肩重任見清強寵利居功事可傷經國才高輕百辟熱天焰熱藉中璫會門難繼周公志驂乘徒貽霍氏殃自古純臣崇內行恨君開口說非常

居正奪情時上疏稱天下非常人始可以辦非常之事

年糕十六韻

餐粉傳佳味新年節物稱寶邇遺製古饋歲食單徵葦莢剛懸戶香杭早刈塍碾來瓊屑潔和就石霜激豔豔花酥點浮浮翠釜蒸白凝肪乍截黃比蠟初凝釘盒廚娘巧揮刀饗子能玉珪呈郎射金版削觚稜肖象朱提似糕模模形紫貝矜糕圖而情者名龜板糕擔當三市賣盤共五辛登熟薦先宗祏分貽逮友朋寶階餐並

飽瑤餌啖全勝兆想千倉溢名誇百事增令節食糕取百事片高之意見歲時記  
餽簫方嬾嬾蜡鼓正鼕鼕嘗記元宵又題思九日曾椒觴同進  
處時序感飛騰

春餅十六韻

說餅何時最東風乍解嚴重羅飛屑淨十裂映紋纖薄愛瓊肌  
展輕宜玉糝黏光瑩盈尺璧圓漾一規蟾香餡蓮花改嘉肴藿

葉添

膳名見注疏

捻頭同細捲妙手任頻拈製異蒸熬辨蒸餅嘗欣

膾食兼琅蔥加或可大肉截猶嫌珍重春筵饌芬馨小市帘鈔

書容果腹讀畫恐污縑力本緣春爨功還佐釜鬻虛名慙啖地

卓識愧知鹽柑酒芳傳座桃符彩照檐味偕生菜薦恩想御庖

霑

明中時行有立春日賜百官春餅詩

束皙文難述何曾樣未忤寒宵矜索句憑

禿鼠鬚尖

表忠觀落成詩以紀事

唐室凌夷日羣雄競擾攘紇干愁雀東天目兆龍翔石鏡英姿  
奮金戈霸氣揚滅劉除貳負誅董落欃槍鐵券當年錫丹書奕  
葉光錦衣封樹燦犀弩射潮强塔湧山巔白花開陌上香五朝  
俱帶礪四世儼圭璋涿水真人起陳橋大業昌寶融先納土臧  
氏遽歸防保障功原茂謳歌德詎忘棠還思邵伯廟合祀桐鄉  
鉅筆坡公碣忠言越國章殊恩崇俎豆後嗣肅蒸嘗陵谷嗟頻  
易祠官守漸荒碧苔侵玉座蒼鼠竄雕梁黜聖工誰舉屏藩澤  
孔長庀材羅杞梓考室飭輿戕圯螭頭刻夢檄鳥翼張靈旗  
飄冉冉芭舞振洋洋盛想三都節威臨一劍霜椒漿爭酌畢懷  
古獨徬徨

以拙藁呈錢竹汀先生猥蒙點定詩以誌謝

箏笛競新音瓦釜鳴俗調不逢夔曠聰焉識至樂妙走也實不  
才束髮事吟嘯苦語逾寒號動爲世所譏先生今大匠詩窟窮  
與窅惠然不我棄激賞到藜藿蠅頭百篇字一一法眼照圭璋  
審孚理壺矢辨枉哨裏同華袞膺貶亦鍼石療感茲汲引心令  
我肝腸繞緬維風雅初首貴天骨峭大家典型在中閭非外耀  
奈何後世人紛紛工耳剽劉元活脫塑優孟貌言肖蒙馬皮非  
眞畫龍尾難掉徒取糟粕餘輾轉資糴糴其或矯其偏涉筆卽  
輕窺搔首弄殊姿拊掌博長笑製衣貴偏褻擊管取簞籥但誇  
辨無礙焉識詞尙要二途爭勝負迭出互騰趙堂堂文陣帥誰  
實號票姚惟公崇正始日月息羣燭坦途指康莊歧路戒駸駸  
後學曠發蒙若聽雞人詔嗟余亦何幸親奉南車詔誓將拔鯨  
牙不復號蚓竅導河溯崑崙觀海踰嶺嶠前脩苟可追寡昧期

自劭勿虧一簣功庶奉三章約

庭前山茶一本大幾合抱相傳前明顧侍御所植今二百餘年矣花時頗盛爰爲作歌

嚴陰凍地風吹沙物始太素無鉛華天公亦厭冰雪冷下遣姮女調丹砂白鶴堂中古茶樹枝格筏訖根槎枒三旬孕花一口放舉眼但見紅雲遮倚檐千堆耀繁錦壓檻一簇凌晨霞我疑西京元會夜金羊青玉爭豪奢又疑誤入曾成居珊瑚火齊光紛拏朱旗搖曳井陘仄絳袖繚繞驪山斜終朝坐我綺幕下安用步障裁紅紗奇姿老幹誰所植舊事尙憶蘭臺家驄馬歸來起閉館菟裘築後羅名葩珠履朝盈稷下客翠帷暮捲吳宮娃盛衰興廢一彈指荒亭曲榭棲寒鴉此花淪落獨何幸斤斧不遺蕘童加雕闌昔伴大夫樹茅屋今號幽人花百年喬木久始

大當時所見纔藥芽平泉草木細疏記勝地竟爲何人誇花如  
有知應大笑舉酒且進雙銀槎

呈王西莊閣學

等身著作等身書眞有心期到古初遠性自儕珠樹鶴高情早  
釣練江魚西豈詩格花爭麗北海經帷草不除一道清溪門兩  
版何人知是侍郎居

江亭長日靜朝暉談屑親承玉塵揮履道池邊居士老山陽笛  
裏故人稀蒙詢及先大夫晚年事及中郎餘慶慙齋曰任昉諸  
外大父李鶴峯先生後人孤嘆葛衣謬辱先生相投拭五湖身事已全非

題輞川圖

飛雲有岑川有瀨仕不田園那歸宿菟裘終老念誰無幾輩道  
遙得眞樂右丞工畫兼工詩下筆溪壑生春姿何年結構得斯

壤詩情畫態搜無遺華子岡連竹里館綠戶紅窗傍晴巘南園  
露下稻香秋東谷雲歸樵唱晚霓裳譜成四海翻此間正可忘  
朝昏挂冠神武惜不遂松筠空鎖餘荒村盧龍賊騎充京國客  
子傷心賦凝碧可憐家世本桃源瞰風塵歸不得粉素飄零  
知幾秋澗花山鳥爲君愁世人但解話閒適誰知中有羈離憂  
嗚呼人生福地本難保大抵知幾須及早終南捷徑復何人千  
古山靈慙小草

南峰寺

丹崖下渴日虛谷迴冷風言尋支公居半嶺聞疎鐘梯空上巉  
絕雲木何蔥蘢鐵鳳湧巖嵌遂得祇林宮馬去澗自流鶴歸亭  
已空惟餘石室影千載莓苔封蕩蕩蔚藍天矗矗蓮花峰逸響  
台四山經聲雜濤松至人本寂滅海淨天無容胡爲此山間處

處謂遺蹤我來叩磻戶花雨飛輕紅出門路已迷回首煙巒重

### 寒山

寒山幾何高倚天猶石色萬壑積層陰亭午日已戾行行步危  
磴巖氣衣袂逼歛見翠嵒開朱薨藏崩岑雲生縹緲青霞渲華  
桷滌洞壁根虛無松篁皆倒植獨愛乳竇泉涓涓滴苔城餘流  
瀉石缸風漾匹練直吾聞帝臺漿一飲生羽翼茲水何清冷萬  
古流不息金花倘易長石隨行可食願從列仙癯宅此清涼國

### 天平山

連峯東南趨孤嶂西北赴望望天平山初疑若無路巖迴徑忽  
轉突兀靈宇露古木鬱蒼蒼屹然百城踞魏公祠何許石梁水  
痕互直上益厓巖四壁起寒霧雞籠巖左峙臥龍宛石顧怪石  
何槎牙奇魔攫人怒僧廬翠微側活火試茶具清磬時一聲山



禽啼不住沈吟  
鸞沸泉徙倚屈蟠樹飛霞落客衣下嶺日已暮

贈王夢樓太守

文治

八首

五馬歸來竟掩關  
白鬚紅帶識容顏  
廿年夢隔南薰殿  
四海名高北固山  
靖節心期依佛社  
華陽位業証仙班  
衣冠邱壑難兼取  
好是先生早賦閒

鯨力摩空寡鶴鳴  
如公始合到蓬瀛  
紫花賜坐王承旨  
紅燭攤書宋子京  
嘉祐格更文復古  
元和德盛頌垂聲  
領髭袞袞巍科摘  
幾輩人間憶姓名

經幄方看用孝公  
朱轡旋去洱河東  
詞臣唐宋居朝少  
文字韓蘇過嶺工  
綾襪濡毫花入夢  
鐵衣磨盾肘生風  
光芒一樣凌雲筆  
翔鳳何須老禁中

青鞋布襪寄情深  
歷數游蹤過向禽  
叱馭路曾經鹿石  
傳詩身

自到雞林

先生少時曾偕冊使至琉球

洲邊楊葉樊山棹笛裏梅花隴坂吟

最是風流邁陶峴江湖人識水仙琴

先生曾之楚之秦又家有樂部出行每自隨

象管清仍實瑟和輞川佳句法如何冷冷秋籟聲徐引藹藹春

雲態最多山寺籠紗題海日旗亭賭酒唱黃河同時大敵爭磨

壘誰識將軍獨雅歌

薑芽墨妙有真傳寶晉齋頭米老顛錦暉裝來牋九萬衲碑書

秃管三千鏡花潭月空中影海鵠雪鴻象外天認取神光離合

處田夫叉手果非妍

一卷維摩伴日斜化人閱世似恒沙身離蟬冕原邱井句湧源

泉卽妙華慧業應成臺般若定心任試咒登伽鈍根我愧塵勞

縛那得同憑五衍車

歲歲星文望斗杓披雲日下快今朝人來程座剛春月花落吳

江又暮潮珠玉投懷談屑墮蛟螭倚壁墨光搖篆書枯桐怕值  
箏琶耳敢說知音已半焦

書寄大兄書後

驚鴻不作行已散難復聚惟有懷侶心飛鳴自相顧憶吾前年  
秋送君江之湄臨歧強相慰後會非無期相期徒繾綣歲月三  
年遠燕山道路艱欲往羽翮短昨夜曾見君斑毛垂領巾相逢  
雜悲喜絮語何頻仍豐盈犀角兒一一顏色好問我來何攜牽  
衣競圍繞覺來知是夢淚落匡牀中銀燈吐幽燄猶作京華紅  
京華隔北斗天末徒搔首不識別來容真如夢中否似夢復何  
如空悲年運徂呼童緘素紙一爲諭離居

謁范文正公祠

羣山龍嵒抱危石灌木蔥蔥煙靄積雲旗翻處認靈宮下馬入

門森動魄憶公少年負奇尙憂樂身關天下責山中藿粥莘渭  
心胸裏甲兵管萬策晚登政府荷殊遇十事煌煌資筆畫裁抑  
僥倖課兵農口苦知由寸心赤宋之失政在水懦如疾諱醫曰  
疔瘡扶羸起痿在要張豈慮規模異今背後來撓相亦鑒此誤  
以妄庸司國脈道德一變爲刑名百載金甌竟崩圯公言若使  
早見用鼎鉉功成誰敢革勵忠勤乃厄蠅蚊治亂機關吁可惜  
公德真宜百世師公祀何止千世澤寒泉一酌心徬徨日暮神  
鴉啼老柏

晚晴卽日

霽煙消盡見斜曛極目長空似錦文紺碧縹黃看不盡一重天  
間一重雲  
晴雲生處雨雲歸林缺分明露翠微今日山靈裝束好綠螺髻

白雲山房詩集卷三  
十  
鬢紫霞衣

柳湖

清冷之淵不可見大塊塵土空溟濛我從婁江指團柳人世頓  
有玻璃宮滄波茫茫一萬頃圓影四蓋惟高穹洪濤噴飲蛟蜃  
沒勢與笠澤爭雌雄有時風平纖縠息白日不動雲行空潛鱗  
上窺鳥影落皎若一鏡磨青銅金芙蓉怒植水底明滅知是湖  
邊峯嶺聲乍入碧煙去中流隱隱潮音鐘彈九天體本一氣只  
有坤軸橫其中盡穿平地作巨浸此水疑與銀河通平生奇志  
在江海誓騎赤鯉鯁癡龍珊瑚釣竿倘可把便欲從此朝閭風  
一聲長嘯拍銅斗孤鶴忽掠船舷東

淞江道中

江晚歸舟疾風帆半整斜鵬頭浮碧漲魚尾落紅霞棹轉山移

影潮來岸沒沙蘊鱸猶此地懷古一咨嗟

夜發松陵

打漿松陵路濛濛夜氣微遠村孤犬吠野水亂螢飛夾岸蘆三尺遮橋柳十圍煙波行處好欲問釣魚磯

渡澱山湖書事

如山浪打蒼厓破半日孤篷悶無那開帆亟趁風色低一葉瓜皮春復簸澱湖團團二百里望極蒼茫迷戍邏琉璃汗漫宿雨餘方喜全無點塵泥行行忽入元冥國眼色蒼然半空墮似風非風濤非濤耳畔隆隆聲轉磨晦茫咫尺頓無見驚起船窗捫燭坐前穿蘆渚歛空明方悟溪雲遮艇過江鄉五月正蒸溼天澤氣交通噓呵化工元機誰復見漏洩徒因水勢大茲行奇絕行未有或恐下觸蛟龍臥維舟斷港心始平記取斯水不可唾

卽景二絕

人家三五映迴塘  
白板雙扉白石牆  
楊柳渡頭千萬樹  
絲絲都帶水風涼

叢叢古岸覆寒杉  
愛向溪橋卸布帆  
橋上濃陰橋下水  
綠光侵透白蕉衫

贈李松雲太守

青蓮才調本無雙  
仙吏而今說此邦  
紫馬江南棠徧植  
丹毫天上鼎曾扛  
蘭亭唱入鄉園夢  
河水歌賡樂府腔  
可是詩情消未得  
閉居又泛女湖艘

君守江寧曰開莫愁湖爲一時佳話今又僑寓吳門故有第六句及此聯

當年二老盡風流  
蟾窟枝攀桂樹秋  
我愧鵷雛君驥子  
今欣鳳

舉昔鶯求故人萬里懷  
希範謂邱芷房太守與君至交余姊之夫也舊句聯珠憶

竇牟

家伯氏琴柯詩爲君所稱

好合槐榆共談笑  
樗材久乏匠門收

書雨

奇雲如城忽東起截斷餘霞半天紫須臾便作黑山頽白日暈  
不辨尺咫龍公號令何神速百萬旌旗歛來指兩師初  
怒突騎先驅羽林子迴軍再合陣始嚴銳卒陷堅不旋趾白楮  
亂擊潼關軍鐵弩齊射馬陵壘豐隆如礮電如烽助以風威益  
披靡呼聲動地屋瓦飛鉅鹿城邊昆陽市我聞  
王師南討賊中黃伏飛皆虎兕偏師直擣槃瓠墟想像軍鋒亦  
如此方今  
階平四時正鼠子劍鋸何足齒白狼計日奏饒歌此雨眞當甲  
兵洗

松江留東祝止堂先生

今日平原里當時北海鄉鱸堂新化雨烏府舊清霜幸隔三江



近何辭一韋杭授餐兼問字昕夕意難忘

天與扶輪手騷壇建鳳旂神鋒千灌劍仙骨五銖衣面壁功誰及穿楊詣入微才名蘇白大千載有同歸

道在門何峻身閒望更高丰裁尊夏日然諾重秋毫業已傳緇素榮寧羨節旄東華塵十丈袞袞憶同曹

廿載沉冥感狂歌葑水湄嘔心徒自嘆興眼得公知磊落論文酒殷勤薦士詩崇惠題拙藁焦桐今綠綺涕淚爲鍾期

悅親樓詩集題辭爲祝止堂先生

公胡不顧萬物驚煙雲入手波濤傾展卷再拜心忤忤千年又築詩長城羲和鞭日懸秋清華岳拔地金天晶層潭皓月萬丈明冰壺玉璞寒崢嶸冥茫八極窮心兵戾輪神馬空中行忽然縹緲吹瑤笙細筋密理不可名繁煙孤裊蛛絲縈旬鍛月鍊歸

粹精磨礪浸潤光瑩瑩名章俊語根性情修詞尤必立以誠匠  
人營國水滌平不在藻績誇雕蕤遶秦聞蜀驅旆旌神臯奧區  
供品評五丁斧闢雷車轟面目一一廬山呈晚年寸刃斷巨鯨  
朱絃疏越彈韶韻繁音欲廢琵琶箏隻字下若金鑄成懸之國  
門誰敢更詩壇牛耳須主盟珠槃玉敦方紛爭儒書盡秉周王  
正鄒魯陳蔡空枝撐霸才偶峙大國荆又苦陵暴疲生氓何況  
餘子猶邾郕公詩卓然得正聲臨淮刁斗細柳營斫陣不畏偏  
師櫻合宮爰閭鳴珮珩左言侮食徒僇侮我願此本畱寰羸人  
人狂醉齊解醒飛仙換骨餐瑤瓊高士洗耳游清冷昏衢午夜  
懸長檠後學庶勿昧所程公之服官在史歲蘭臺柏府物望并  
一從神武辭冠纓舉朝共惜閒馬卿豈知公詩炳霄崢扶輿清  
淑畱菁英名山什襲尊且榮視帶九環孰重輕巴人下里猗那

賡淋漓點筆空盱眙

秋日閒居十首

寂寞楊雄宅天涯又早秋鳴蟲隨夜急落木向人愁轉轂旋難定驚波逝不畱端居鎮淒瑟底用話離憂

極目蕭條意高齋空復情雲爲鋪絮影風作碎金聲紫燕巢將去蒼鷹翮未成盈虛天地理秋士莫頻驚

習靜觀榮落閒園節序過晚花垂實少秋草蔓生多豆架黏黃蝶蘆塘聚白鷺庭前叢桂樹相對亦婆娑

江城宿雨餘風物鎮清虛衣漬因晴襪簾紋著日疎橫琴涼月下開卷夜燈初幽意憑人領新詩孰起予

吾愛吾廬好城居卻似村蓬蒿蔣生徑流水伸長圍紅翠空庭滿丹黃一席尊近來塵事屏遮莫雀羅門

東臯接蕲川勝地景幽偏  
碧樹藏紅塔清渠浸綠田  
鐘聲雲際寺菱唱夜深船  
此地真忘世相畱欲判年

千古英雄地勾吳俗尙豪  
名園文杏館秋水木蘭初  
羅綺今時盛干戈異代勞  
蒼茫懷古意對酒一蕭騷

生理歸書卷琳瑯自滿家  
別裁如品水綺語當看花  
鑽紙游蜂喻搬蠹黠鼠誇  
百城真我所未羨八騶加

幽人無事業排悶只吟詩  
草木供驅使風雲入夢思  
句愁奇氣少情愛古人癡  
他日名山藏何當與爾期

少小存微尙空嗟歲月侵  
江湖畸士迹蘭杜畢生心  
雄劍徒開匣華纓未上簪  
從來甘豹隱不用厭山林

得二兄閩中書卻寄

謝池草歇盈階綠黃葉打門風  
破肉忽然剝啄到空庭知是泉

南來急足發函伸紙喜且疑一年溝水分東西丙辰重九前一日  
禿筆猶認官齋題首言心事何堪數自到南中了無補手版  
晨趨大府衙腰興夕負諸侯弩牽絲偶到金江東蕞爾雷封百  
島中蜃氣噓雲晴入市螺帆轉海夜乘風無諸遺俗詩書寡赤  
白丸探藥布社不聞渤海買耕牛但見平林起銅馬鼠牙雀角  
善譸張蠻觸時聞鬪斧折和郛興師緣藉稻楚吳構怨爲爭桑  
疲氓難恃威刑定乳虎蒼鷹愁不勝星戴空懸單父琴塵生敢  
怨萊蕪飢苦從軼掌憶歸耕作繭春蠶祇自縈明月千重鴻雁  
影青山一片杜鵑聲就中一事差堪羨荔子飽餐蘭飽看空谷  
佳人十八娘閒來聊作先生伴我聞此語屢咨嗟盤錯從來試  
莫邪鸞鳳那教居枳棘驂驪何意駕鹽車關西家世清風久但  
願循聲遶朝右且種龔生一樹榆莫羨陶潛五株柳欲往從之

道路艱天涯霜雪慎加餐譜成益部中和樂好隱雲門大小山

上王述庵少司寇六十韻

台輔中朝器耆英洛下賢勲名三極上煙水五湖邊紫鳳層霄迴蒼松晚節全招弓當早歲投紋正遐年靈壽璇宮賜雲華寶笈鐫伏波姿鬢鏤謝傳態安便宅啓親仁廣園開獨樂偏細林峯匝團柳浪洄漩小駟盤伶市巾車種杭田人都忘國老公已傲神仙衛武賓筵咏東坡海外篇耄齡猶好學皓首益窮研摩詰詩疑畫河汾說擬元至音諧律呂妙解棄蹄筌涿郡延盧植滎陽事服虔鱸堂時雨渥鹿洞古風宣和璧良工剖般斤大匠傳衆才歸樂育多士賴陶甄尙憶彈冠始羣瞻脫穎先應圖收虎脊翊運出鳶肩箭聽彤闌漏花明祕省甄彩毫雙管握官燭兩行甃溫室言原慎蓬萊謫偶然請纓乘絕障叱馭到蠻天

關塞金沙遠旌旗玉壘鮮旄頭參上策盾鼻走飛騰陸賈番禺  
返相如焚道旋

主恩從此重華秩一朝遷銘勒龍蛇帛冠高珰蟬棘廷朱綬  
綰柏府繡帷褰陳臬元侯誥于蕃邦伯權甘棠酌右陝銅鼓鎮  
南滇宰相才頻薦周官憲憂懸分曹連斗極執法近蒲筵露潤  
園扉草星空貫索躔謨還陳

寧依風欲動垓埏偶出持英傷仍歸佐鼎鉉江鄉榮畫繡候吏  
避行旃亮采功誠懋求賢念每專舉剴心鄭重說項意懃拳貯  
籠收芝朮程材錄梓梗暖嘘寒谷黍潤湧涸池泉鉅海流常納  
崇邱壤不捐短轅無緣耳焦木盡朱絃賤子生何晚高山仰最  
堅鴻名欽卓犖苑冊愧拘牽韋相經曾授桑生硯欲穿共看書  
類屋詎有筆如椽花樣移坊錦濃妝換翠鈿魚腮徒蹭蹬猿臂

總迤邐篋少胡威絹囊盧趙壹錢菰蘆行自愧葛練竟誰憐側  
聽龍門廣能教驥尾騫韓歐崇望在崔孔故交聯溫語還遙及  
新詩許附編鏡明思顧影刀鈍敢藏鉛拜擬來牀下緣偏恡馬  
前春風何日坐秋水幾回沿簞矣康成里懷哉郭泰船知音千  
載感願執晏嬰鞭

題碧梧窗下讀書圖

有序

吳門顧君介石篤於內行少時與兄某奉母家居極家  
庭融洩之樂構碧梧堂昆季讀書其中母兄既歿君追  
感不已寫此圖以見志不數年君亦旋卒其從子改亭  
以圖示余嘆其至性肫摯有古人之風爲題卷尾而歸  
之

西風瑟瑟吹高梧梧間露落如明珠疎簾紫几萬卷鋪攬衣我



欲游方壺是時庭闈歡有餘護草樹背荆花舒朝緇內則供筆  
蔬夕誦漆簡譚友于高堂兩兩勤起居大兒鞠臚奉盤盂小兒  
袒裼持械窳長筵羅列旨酒酤願壽阿母期頤踰惠連得句相  
嬉娛落葉袂衣感大蘇三倉七畧同伊唔共期厲志追皇初花  
間月下黃髮扶此樂自謂千秋俱誰知盛衰不須臾庭前碧蔭  
方扶疎無端風木啼驚鳥讀書莫讀東漢書姜被已冷荀龍孤  
回頭此景非模糊歛若一夢初遽遽畫師妙手工寫摹意欲火  
急追云逝終朝展玩腸轆轤春暉那得回枯株櫛縱筭總猶故  
吾轉眼已換蒼浪鬚傷今嘆昔歲月徂浮漚起滅事可吁母兮  
兄兮不可呼地下一笑相逢乎小阮文行大阮如谷圖示我淚  
滿襦人生孝友百行樞行尸走肉真凡愚先生至性曾閱徒蘭  
薰雪白君子儒傳之百世足楷模此圖價重千璠璣君其永寶

慎勿渝我爲作歌心鬱紆嗚呼高義今人無

白鶴山房詩鈔卷三終

白鶴山房詩鈔卷四

歸安葉紹本仁甫

古今體詩八十六首

和錢竹汀少詹鄉飲賓席之作

北海扶風絕學傳  
耆儒真足重嘉筵  
先生手定明堂禮  
來聽工歌宵雅篇

階西獨北獻酬行  
黃髮身曾侍邇英  
自是達尊三盡占  
不須回首喚殷兄

霞褥雲衽一席專  
幔亭高會儼神仙  
桓榮重望傾東漢  
夏看蒲輪入洛年

名德由來政教裨  
伏生圖欲繡吳絲  
幽風朋酒昇平事  
正是重熙紀瑞期

又和疊韻四首

勝事應憑風雅宣  
八章高咏譜賓筵  
茹香酒旨祈難老  
好賦僖公在泮篇

綠野婆娑曳杖行  
果然人望屬耆英  
鶴書又應蒲輪聘  
難得元

方兩弟兄

先生弟可廬先生應詔舉孝廉方正

廿載名山閉戶專  
壺中甲子傲諸仙  
懸車期尙遲三月  
卻羨先

生早引年

先生明歲始開八袞

瓦釜奚能大樂禪  
愧題新句到烏絲  
分明黃綺衣冠在  
惇史千秋記此期

五言一百韻壽業師范支山先生

有序

壽詩非古也然宋以來有之觀諸家集中所載則每歲皆可稱壽不似今人之必以十年爲期也支山先生六

十初度以古禮謝弗舉觴而門下士奉教日久有不能  
已於言者敢援宋人爲例爲詩一千字以獻

嘉慶元年冬曜靈基踐長東壁正昏中紫氣明晃闐八會啓琅  
函六甲頒金箱云是玉局翁揆覽初降祥是日天氣清射千花  
含芳賀客何駢闐鶴蓋晨相望先生獨掩關庭院無絲簷爲避  
恒言稱亟止難老觴賤子起而言公何謙未遑古人重引年詩  
歌美壽域大斗酌黃耆歲時盡稱慶後世生日儀雖俗亦餽羊  
迂儒競訾訾無乃膠柱傷請以銀管辭聊當金鼎將謏言我弗  
敢細行我弗詳且從識公初歷歷書行藏乾隆歲旂蒙公居宣  
南坊我亦長安游結屋隣安昌絳帳方宏開著錄有翼匡一見  
許青蘋拂拭生光芒草元朝載酒請益夕負牆從此數追隨日  
坐春風旁杜老溪浣花左司室焚香高齋八九椽萬卷堆琳瑯

公每退直歸蕭然倚胡牀七畧校華林千年賦長楊粉本金波  
亭醉墨白練裳興到隨所宜腕指生低昂室有法喜妻先生在不攜  
屬囊無陸賈裝客到但高談八八民九皇銅駝十二街緇塵日  
飄颻何處離垢園耳目暫清涼獨來謁公者如飲醍醐漿董帷  
下逾年化雨方滋灑我忽唱驪駒奉母歸吳羌山名依依北海門  
悠悠雪水航聞公望益隆棟桴看高驤京兆屬興賢功令嚴周  
防

帝命簡司衡擢秀區禾稂公實奉 詔入鑒別窮微茫搜林得  
梗櫚貢金收璆璜及門十五人一一千里駒翻令不休徒自顧  
驚跛踈石渠今閒官門可雀羅張惟有知舉榮尊若握牙璋和  
凝詡傳衣崔羣誇買莊往往使命申玉尺許屢量公方負時望  
相馬推九方會見輶車馳采風徧遐荒豈知巖壑人泉石爲膏

育曉來望南雲揮手辭朝廊昔賢一日等不以三公償斯義復  
見公柳縱輕貂璫天平峯巖巖笠澤波洋洋聊采東籬英爲補  
南陔章王維輞水圍賀老鑑湖塘布襪行纏款段紫游韁誰  
識是朝官野老同徜徉仁里經三遷考穴窺兩廂種樹爲果宗  
壘石象南岡機雲廨東西周張宅中央挽車偕少君裁詩得冬  
郎秋陰春煦辰風日清且良公每具常珍手自摘紫房堂上延  
蓋公山中來夏黃旨酒鄉人先肥瘠諸父行談笑話釣游脫畧  
形迹忘吳中有耆年會先生每奉恬菴  
太夫子與諸耆舊歡宴竟日交梨翁旣栽桃實兒亦  
嘗轉於萊戲時各較齒髮強先是辛亥秋余作賃春梁逢公適  
南歸霞珮重頡頏終歲事履綦公行益大彰迴視承明庭歲月  
眞堂堂竊維禁苑遐古比驂鸞鳳顧於仙侶中所遇亦不常或  
困索米愁或苦請謁忙茂陵病相如郎署老馬唐抱槩楊生塵



待漏韓縉霜清嚴鈴索地未許次公狂深殿白日移獸錦寧輝  
煌惟公乃真仙紉芷襲蕙纓進爲瑞鳥鳴退作孤雲翔江關數  
畝廬成都百株桑終身閒境內六鑿消中腸不負條冰銜濯纓  
到滄浪卽今耳順年視履何吉康咽嗽元和津游戲紫錦囊頗  
同獨樂叟洛社高名揚豈羨南城侯千旄擁荆湘皆二公六  
十時事知  
天正厚公景福方穰穰博士杜子春桂史李伯陽從來文學臣  
俱餌瓊糜根矧逢

軒義代節紀同無疆千秋祝鯁筵殊禮崇上庠公定乘安輿北  
闕來趨蹌篤誠褒明根靈壽錫孔光流霞天上餐憂築畏壘鄉  
我亦從廬敖五岳行裏糧赤鳥遇安期青裙拜東王相逢岱輿  
巔一笑三千場

夜坐二絕

蕭蕭竹裏風疑是松上雨開戶寂無聲明月滿前廡  
深夜坐無寐檐間樹影移中庭霜氣重一鳥墮寒枝

逢人話長沙舊事

象管銀箏玳瑁筵枇杷花下畫堂前憑君莫話湘南事不到潭  
州已十年

吳門喜晤陳鞠泉先生卽送其歸里

蒲帆經歲悵睽離依舊蒼蒼竹柏姿通籍官高唐司上馬講帷  
人重漢經師閒身鷗鷺同飄泊老筆龍蛇尙倔奇先生善書曾是伏  
波牀下客年年一爲駐筇枝

高軒纔賦又陽關客裏難禁別淚潛湖海幾人餘白髮嘯歌隨  
處有青山攜來句曲雲千里歸去臨平水一灣爲祝巾車還早  
出銅坑東藥待公攀

趙忠毅公鐵如意歌

噦驚宮移明社破河間委鬼當頭坐紛紛羣醜何鴟張五彪跳  
梁五虎臥大賢鬱起趙尙書赤手誓欲扶皇輿進賢黜佞太宰  
事老臣豈惜千刑誅獫狫磨牙方擇肉肯使神羊伸一角朝廷  
若不去南星我輩何由生處樂大璫執贄謝弗通但期內外據  
孤忠同文黑獄陡然起四凶反欲誅元凶公秉憲時黜三黨之魁四人著四凶論後  
魏奄等疾公甚每票旨輒詆公爲元凶厥臣批紅奉聖旨老卒應教代州死九千  
歲意不足言可惜見泉竟無子飛狐塞北風日淒山魃一足黃  
熊啼此時何物件寥寂李家談柄供提攜唾壺擊缺心無賴神  
京回首真如醉何年逆豎卻誅鋤窮奇骨作珊瑚碎銘辭落落  
慨且慷公亦百鍊盟中腸一枝頑鐵有生氣上方神劍同光芒  
滄桑陵谷百年久神物依然完不朽寄語英靈好護持千秋休

落纖兒手嗚呼尙書老葬常山雲山河旋亦移黃巾惜公遺恨  
尙有在不能持此揮三軍

寄懷張芷庭先生

先生名漢歸安人官  
孟縣知縣未幾罷職

平生蹤跡半天涯今日尊江老釣師白首一官真似夢素衣卅  
載化爲緇商山盡避陽城驛履道空歸太傅池遙憶程門風雪  
裏蒼松可是舊容姿

猶記符分古冀州貪泉不挹澮汾流喧呼客使嚴廚傳拜謁官  
儀重督郵但解百牢供上國可能三異奏中牟益昌何尹真奇  
絕腰笏無慚自引舟

史雲甌釜久生魚種豆歸來地亦蕪且自吟詩教通子有誰送  
米繼胡奴寸毛龜背寧成暖勺水牛蹄孰濟枯太息廣文羶一

片也同千戶郡難圖

先生請授教職而  
謁選尙未有期

曾許談經到絳紗青袍落拓笑侯芭羽毛未卜三年鳥鼓吹空  
聽兩部蛙庭畔何人憐謝樹筆端有淚灑江花牆東一徑何寥  
寂安得門停長者車

悼亡詩三十首

香桃瘦盡久堪憐竟到莊生鼓缶年一夜東風吹竈冷生埋玉  
樹向重泉

試盡巫咸肘後方朝朝香閣拜醫王上池水飲原無據何處人  
間續命湯

東方千騎願全乖偕老何曾慰夙懷一事要添元相痛并無十  
萬與營齋

林下風期道韞如琉璃榻畔翠華裾試從組帳煙銷後想像璫  
窗月滿初

雞鳴女誠夙能嫺妝閣惟聞雜珮珊記得調羹霜月夜不知寒  
霧溼香鬟

牛衣對泣最堪悲嫁得王章百事癡幾日金塵看不埽累君蹙  
損一雙眉

繩牀經案坐銷磨彈指光陰一刹那何苦三生緣枉結十年歡  
笑本無多

生小嫵媚繡闌前多才最得謝公憐而今陌上香車杳重過西

州倍黯然

外舅竹坪先生歿已數載

當年甥館關東廂霧夕蓮開日照梁回首不堪塵夢斷燕泥零  
落合歡牀

中婦流黃織女絲吳宮針絕最稱奇傷心此景何從問午夜燈  
寒理繡時

絳紗幸及母儀存畫閣能將禮教敦一幅泥金裙百疊不曾布

施到空門

先妣李太夫人素不奉佛肅人能恪守慈教

日華幾度戰場迷短策空憐笑向西自結瓜廬勸偕隱知君齒

冷杜羔妻

眞箇人間有孟光布衣甘易綺羅妝鬱林石是君家寶不羨江

南明月璫

余承清白之後家徒壁立肅人不以介懷二句卽述平日語

留賓頻典篋中金生怕饑腸累苦吟百甕黃齏三九菜勞君晨

夕最關心

鈿朶珠翹委碧苔箱簾七十怕重開寶釵耀首無多日翻爲窮

途脫贈來

姊婿沈隱君計偕入都貧不能具資芹瀾人贊釵珥以贈其行

金徽愛撫七絃秋聽到離鸞便解愁不分戲言皆宿讖斷腸眞

痛此生休

屈成屏風六扇紗端居常是謝鉛華明霞不復勻雙暈閒殺闌前  
前蹟面花

上計秦嘉歲往還秋風時節唱陽關奚囊檢得當年字藥裏猶

封別淚斑

甲寅秋余應試武林病痞甚劇  
爲人爲覓良藥附夜航以寄

芳簾塵侵寶瑟橫畫簾著地少人行只餘玳瑁窗前鳥學得紅

闌喚茗聲

碧海青天不可招廣寒人去夜迢迢從今腸斷傳柑節鏡破偏

當璧月宵

蒲人歿于上  
元前二日

優曇示現理難詳玉化飛灰蕙霽霜最是傷情憐阿母白頭來

炷影前香

鮮民早廢蓼莪詩回首鵲原宿草悲儘把艱虞纏骨肉低徊身

世一凄其



國香無夢兆燕蘭顧影真愁七尺單欲問吳蒼何太忍不畱髣  
髴教人看

惆悵輕颿雪水濱淚波曾照比肩人沈園楊柳無消息看到花  
紅不是春

并曰沈絳那憚勞象牀金粟未曾拋可憐隔歲東風冷猶爲征

人絮繆袍

余去歲春  
曾客華亭

頻年病悵怯空閨牛蟻牀頭夢尙迷今日夜臺行冥漠窮泉何  
處鎮心犀

駒隙流光去未停他年歸骨舊山青只愁同穴原無補路入泥  
洎總宵冥

未必巫陽果可呼仙緣鬼趣兩模糊長陵縱得神君見帷裏靈  
風定有無

浩劫空餘未了情  
藕絲難斷藕絲縈  
瑤池君若昇天去  
莫向塵寰說再生

孤館春寒百感紛  
浮生我亦等輕雲  
安仁詞賦成何用  
贏得新題永逝文

和家琴川兄百五日偕同人登碧巖頂之作以東坡所題  
清空世界四字爲韻各賦四首

吳興山水窟大塊冰壺清羣峰天日來勢若屯連營方圓變化  
盡列陣猶縱橫往往扼要區茶火嚴竿旌吳兒不解事愛山但  
愛名法華及道場每歲裙屐盈靡迤雖並美碑兀非孤撐拍掌  
競稱奇徒以世所驚豈知巖壑趣在險不在平蒼莽荒途間中  
有化人城萬手絕攀援霄漢始可爭從來奇傑士不受俗品評  
耳目苟得窺樹立非崇宏但索周昉圖豈有真娉婷

寶幢湧地起巨刃摩天空七十二蓮花茲峯乃其雄灌莽森相  
交澗壑填青紅我我司寇冠矗立晴雲中譬若登丈人衆岫兒  
孫從老蛟何年來飢涎滴穠紅化爲百丈泉噴薄懸長虹水簾  
耍奇絕珠璣瀉玲瓏唾隨玉女笑淚灑鮫人宮吾聞二華頂疑  
與閭闔通茲山長蒼弁高標跨鴻濛崔巍金庭闕列館連樊桐  
羣真定有無來往隨飄風請君語無譁恐起天池龍

碧巖石泉中有物如

蜥蜴蜿蜒五色相傳謂之龍子取以禱雨有應

兩儀莽迴互中隔一塵世地以上皆天俛仰清濁異人苦附地  
生投足盡泥滓屏風不能行何況雲車駛舉臂辭盧敖誰具黃  
鵠翅獨有名山殊是地了非地亭亭象外立塊圪混一氣去地  
幾由旬人跡遂罕至想見太虛初沈寥本無事里俗日喧囂奔  
忙競聲利豈識山上人虬蟬同一視雷聲如嬰兒遑辨人語細

登仙不可學登山無乃是君看著腳處衆盡仰而企

瘠人不忘語饑人不忘喂佳士遇名山何異爪爬疥賢哉二三  
子仙骨餐沆瀣嘯侶共梯雲芒屨不辭憊雄詞鼎呂扛妙手風  
雨快遂令益州箋頓現華嚴界吾兄尤豪雋筆力破天械示我  
五字詩驚濤奏礧礧并陽吾鄉里清境懸夢寐所恨隔重湖未  
得浮一芥煙霞夙有癖世網苦牽絃安得輞川園共結木蘭柴  
買山我已盟入林君勿怪清泉尙能枕白石尙能拜

家震湘兄庭前牡丹數本爲其外姑某夫人手植花時極  
繁茂及外姑卒花遂萎其配痛母成疾明年相繼逝兩  
載中竟不一花今春忽發數蘂然零落憔悴若不勝怨  
者震湘感悼不已記之以詩郵示索和適余亦有騎省  
之戚讀之幾不能終篇竊維蕙折蘭枯古今同歎而謝

榮怨落惟草木可以相忘於不言故樂子無知古詩人  
已引以寄慨豈氣化日開靈竒日洩卽草木亦不能全  
其冥漠之天耶抑田真之荆燕姑之蘭實有所感而然  
耶宜震湘之長吟遠慕而不能勝其悲也率賦七律二  
首如原詩之數

紅衫影早散斜曛誰遣遣姿鬪錦裙闌苑有根迷曉霧瑤華無  
信寄朝雲乍看半面呈如子也抵招魂遇少君莫怪清香零落  
甚經年荷令不曾熏

優曇示現果何緣偶茁靈芽亦可憐素女歸隨王母駕天孫機  
阻客星船春風滿地紅心淚夜月三更紫玉煙我亦牛衣同一  
慟拈花難証六通禪

題弄璋圖爲蔡藝庵女學

藝庵生於己未之春未彌月時父友某曾寫是圖以贈其尊甫漱巖先生已而果生藝庵聞者咸以爲瑞今歲又將己未矣藝庵感歲月之如流悼春暉之不再取是圖裝演成卷并識其緣起如此出以示余余念藝庵博聞強識爲人伉爽有節槩其於漱巖先生真不愧鳳毛之慶而年方杖國康娛矍鑠所以迂維祺之福者正未有艾若人世之升沈通塞又何足稱焉爰題長句於卷端卽以此上雅壽也可

春風入戶春光蘇洞房旭日明銅鋪  
蜃窗寶帳鵲尾爐高堂眩轉紅氍毹  
華函什襲紛純數就中何物崑山瑜  
截肪九寸理復孚盛以纁藉蒼白朱  
袞師綳出文繡襦仙姿鶴骨冰爲膚  
玉芽手爪細欲無十指欲動猶躊躇  
黃羅阿母左右扶戔戔雲髻衣

五銖轉側面背毫茫俱紙上疑有聲呱呱蔡侯揖我示此圖爲  
言舊事增煩紆當年老鳳未育雛故人寫贈爲嬉娛無何渥洼  
果產駒紫胞五色觀者吁充閭盛事傳路隅琳瑯自合亨天衢  
今余六十雪滿顙送人作郡歲月徂龍辰五度旋天樞南山猿  
臂依然吾非熊入夢已矣夫慈鴉反哺空烏烏我作而言君勿  
虞古人重德猶璉瑚大夫卿士公侯孤山元水蒼被服都躬桓  
蒲穀璜琥殊以別淑慝差賢愚試言奏功昔有謨非若唐宋科  
目拘席珍者賞賁乘誅彼其赤芾羣抑揄旣賢必貴理不誣寧  
令良玉雜珉珎先生制行世所模白圭無玷言嘔嘔孝先之腹  
遵度廚包羅旁魄衆說郭凡將滂喜窮根株下及鈴決兼夷區  
明經致用乃鉅儒南游禹穴北直沽山川奇勝勤咨諏連城之  
珍光燭塗誰謂韞匱非璵琤攬環結珮彤庭趨君之所負何慙

乎今君年甫大衍踰東黎顏色腴不枯紅霞飽嚼青精儲光景  
正若朝未餽風輪幹轉斗柄斲便從今歲重懸弧要閱六十萬  
須臾方瞳猶自迴清矚我倘未入長房壺重拈麝煤與鼠鬚爲  
君再刻詒癡符

題袁二峯溪山春曉障子

飛泉瀉練峯抽簪我居何忽生蒼嵐蓬萊夜半失左股袁子之  
筆山能擔晴煙濛濛四野合參差疊嶂青於藍金雞初鳴衆壑  
寂赤烏欲上朝光涵東風木芽正怒茁陰崖灌翳森相參莓苔  
鮮繁石髮厚逼視疑有香醺醺層巖乍迴斷坂露忽見古屋臨  
風潭林欹澗仄猿鳥絕腰鎌行唱樵兩三青陽初敷萬物始偃  
蹇百態餘騎愁君從何處得此意腕底出沒風雲含古來畫師  
貴神力驅山走海功能堪披麻斧劈皴法異意匠完密經營酣



自從宋元派一變不食煙火誇高談棄繁就簡愛幽僻如舍芻  
豢珍螺蚌殘山剩水小朝物偏安氣象哀江南喜君下筆獨茂  
密正法眼藏參瞿曇延清卅年侍

內直玉泉瓊島窮游探崑崙圓嶠作粉本落手自令荆關慙我  
生亦有泉石癖世緣束縛心徒貪安得攜家真住此請君佳處  
爲我圖茅庵

和李夢山舅氏舟出華蕩之作

月黑萬籟息天長江無煙禽魚同一夢中有尊盧年幽人正無  
俚孤懷出奇篇高吟聲未終水鶴飛我前

奉贈方介亭刺史

君以禮州知州  
謫官僑寓吳門

鳴蛙兩部砌苔侵誰識朱幡碧水潯萬卷依然敦夙好一官曾  
不負初心吳舸越舫浮家遠沅芷湘蘭被澤深多愧高軒遠相

訪齊竽何以附知音

鵷雛腐鼠漫相譏一笑人間萬事違當路甘泉原早竭得還倦  
鳥是低飛絙絃且按琴三疊荷棟終須木百圍只恐  
除書天外賁那容君老釣魚磯

虞歌十二首送沈孺人之喪

邊簫欲咽曉風催黯黯愁雲慘不開慟絕轎車西去路今宵真  
箇到泉臺

春風緣隙早沾襟不道歌虞歲月侵如此百年真易逝露華電  
影亦何心

把酒重傾素旄前精魂知否隔人天銀屏花照金缸紫猶認當  
年合卺筵

雲駟迢遞轉江橋素柰花香滿路飄怕過城東崇讓宅垂楊不

似舊時腰

舊人家在臨頓橋挽車路所必經

婉兮淑德有誰加春相空聞里不譁一樣笳簫人引看那堪廣

柳易香車

蘆簾紙閣十年餘五丈零縑一尺書未必香魂忍拋卻衾裳欲

撒尙躊躇

鰥魚半載痛孤單猶有靈衣入座看今日空堂太蕭瑟朔風虛

捲總帷寒

百頃花田傍墓門一時清淚溼吳雲重泉好結傷心伴齊女山

邊紫玉墳

久約青山共隱淪誰知前事總成塵寒泉一盞空林薦也算今

生未了因

藥鑪煙裏强支持一日何曾暫解頤記得去年今日夜尙扶殘

病問靈著

青鳥瑤臺去不還  
庾郎飄泊自江關  
畫梁轉眼巢痕改  
不敢招

魂向故山

時余將北行

廡下艱辛久共嘗  
金魚那得燦便房  
萬錢營葬千行費  
痛爾平生總未償

種菊詞

冉冉香苗立欲疏  
東風料峭入簾初  
閒庭試訪高人跡  
鹿眼籬邊鴉觜鋤

風風雨雨費料量  
也與山農一樣忙  
直待花開花始放  
勞君持護到秋霜

灌菊詞

在山泉與傲霜枝  
息影真宜抱甕師  
莫怪詩人恒早起  
要看珠

縷細垂時

露上珠垂綫東坡咏禾句也清晨灌花亦有此景

不惜軍持手自澆滋蘭樹蕙共朝朝閉門爲謝柴桑老到此無妨且折腰

題張靜庵小像

黑蛟噴雨春池漲三尺綾紋墨花叢高堂岸幘是何人當杯氣與青霄壯糟邱一到天地寬萬象彷彿來毫端百年塊磊快一洗凌紙但見星芒寒巨刃排空霹靂走筆陣酒軍爭勝負老顛作劇亦大奇驅使墨卿與紅友從來醉墜輒不傷天真所寓形骸忘太初元氣落雙管奇觚何必誇鴻荒張侯雋永吾所愛人柳春風餘百媚豈知詒厥本清門千秋猶有狂奴態丹青曹霸世所無阿堵爲點雙明珠仙姿鶴骨入神似遙觀便欲驚相呼吾聞東吳俊拔本無敵不獨沈酣觀酒德擔夫舞女皆吾師逸

氣懸知橫八極今君家住金昌亭白紵紫盤幾度聽絳脣珠袖  
芬芳在要賦公孫弟子行

題歸宗巖圖卷爲蔡翰堂茂才

建安山水雄黎關誰與買勇登孱顏前齒後齒展欹側三步五  
步峰迴環仙人休糧坐白石古佛選地開黃菅卷圖還君起長  
嘆昨夢已在青霞間

送蔡藝庵文學赴河南

匹馬向中原高城落日翻秋風正淒厲八月到夷門投老身猶  
健依人道未尊金昌亭畔柳此夕最銷魂

卅載論交舊欣君獨老蒼忘年如北海博物果中郎肝膽憑誰  
吐形骸恕我狂他年春雨夜孰與煮黃梁

千里驅車始三年傾蓋餘萍蹤渾未足幾日又青徐君到紅蓮

幕無忘黃犬書握衣徑相訪記取雪飛初余亦將有曹南之行期于孟冬時相晤于

解州

書劉馬兩孺人合傳後

俱諸生朱延清室

一篇黃絹怨西風何處招魂向桂宮漢女珠原雙珮合湘娥瑟  
更兩絃空秋波夢冷紅蓮曲夜雨香銷紫蕙叢惆悵阿灰腸斷  
句那堪重賦月明中

猶記靈姻共締年瓊臺幾度降神仙令嫺才調高諸妹新息家  
風到後賢珠樹各申連理約玉簫疑結再生緣誰知彈指恒河  
劫如夢如雲總惘然

玕瑤聲諧舊德門傷心空有素風存葳蕤襦換嬌兒絮馬孺人著撫前

子芍藥羹調壽母樽

兩孺人事始盡孝

秋菊春蘭原並秀新練故素莫

相論祇今長簾塵侵處翻把同心羨九原

幻相難尋儼鉢花憐他奉倩最情奢尹邢貌入甘泉畫延清命工寫兩  
儒人班蔡名畱石室家西莊竹堂兩先擬把雙煙熏篤耨好將  
合像重壁篆蒼華牛衣我亦埋長恨彩筆愁分五色霞

松江呈祝止堂先生

鱗鱗溪畔送歸橈又隔清暉一月遙人仰韓公如岱華我來申  
浦正風潮元亭字許從容問北海樽仍塊磊澆不是先生青眼  
在羈魂那免黯然消  
柏臺高節最嶙峋清望依然谷水濱聽講客畱三尺雪閉門氣  
釀一家春雨雲世態從多幻雞犬仙源總少塵試向觚稜重回  
首湖山容易養閒身



白鶴山房詩鈔卷四終